



Ҳикояти Мухаммад (алайҳиссалом)



Мухаммад ким шахи дунёву диндур,
Сифоти «рахматан лил-оламин»дур.
Замину осмонни халку хайли(Хайл - гурух, кавм.),
Яратилди ўшал эрнинг туфайли.

Пайгамбаримиз Мухаммад мустафо (соллаллоху алайхи ва саллам) Аллох таолонинг Хабиби ва Саййидул-кавнайндирлар, дунё ва диннинг шохидирлар. У зотнинг яна бир сифатлари «рахматан лил-оламин»дир. Ердаги ва осмондаги барча мавжудотлар Расулulloх (соллаллоху алайхи ва саллам) туфайли яратилгандир. Пайгамбаримизни Аллох таоло «Рахматал лил оламин» («Оламларга раҳмат») ва «Шафиъул музнибин» («Гунохкорларга шафоатчи») деб таърифлаган. У зот Ислом динини олиб келдилар ва ўзлари барча оламларга раҳмат бўлиб колдилар. У зот сабабидан барча махлукот Аллох таолонинг раҳматига ноил бўлади. У зот (соллаллоху алайхи ва саллам) барча мусулмонларга меҳрибон. У зоти бобаракотнинг айтган сўзлари ва суннатлари замирида чексиз хикмат мужассам. Ота-оналар ўз фарзандларига ўргатишга ожиз бўлган хайрли амаллардан таълим бериб кетдилар. Охиратда эса гунохкор умматларнинг шафоатчисидирлар. Ўқурда бир куни Тангри китобин,

Ўқуди анда дўзахни азобин.

У оят вахмидин кетди ўзидин,
Йиқилди ерга ул дамда юзидин.
Сахоба хар каю бир хола бўлди,
Замину осмон дар нола бўлди.

Бир куни Расули акрам (соллаллоху алайхи ва саллам) Аллох таолонинг каломи Куръони каримни ўқиб ўтирган эдилар, дўзахнинг азоби хакида баён килинган бир ояти каримага етдилар. Унинг вахимасидан ўзларидан кетиб беҳуш бўлдилар ва муборак юзлари билан юзтубан ерга йиқилдилар. Сахобалар бу ҳолатдан гам чекишди, холлари танг бўлди. Еру осмон бу ходисадан нола килди.

Замондин сўнг кўзини айлади боз, Сахоба айдилар: «Эй Махрами роз, Сани халк афзали килди Худойинг, Мухайё бўлса жаннат ичра жойинг, Сифотинг «рахматан лил-оламин» дур, Худодин мунча кўркинчунг надиндур?» Деди: «Гарчи расули жузву куллман, Нечук хавф айламай, зеро ки куллман».

Орадан бир оз фурсат ўтиб муборак кўзларини очдилар. Шунда сахобалар сўрадилар: «Эй Аллох таолонинг сирларига махрам бўлган зот, Сизни Хак таоло инсонларнинг энг афзали килиб яратган бўлса, жаннат ичида ўрнингизни белгилаб қўйган бўлса, «бутун оламларга раҳмат» сифати билан сифатлаган бўлса. Аллох таолодан нега бунча кўркдингиз?»

Шунда Расулуллох (соллаллоху алайхи ва саллам) марҳамат килдилар: "Гарчи мен барча олам махлукотининг Расули, Пайгамбари бўлсам ҳам, барибир куллман, бир бандаман. Шундай экан, нега хавотирга тушмай?"

Сўфий Аллохёр (рахматуллохи алайх) ушбу воқеадан ибратланиб, куйидаги байтларни айтиб, биз бечораларни огохлантирадилар:

Агар юз минг башорат бўлса бори,
Керак кулдин ўшанча хавфу зори.
Кишининг исми зоти бўлса банда,

Бўлурму форижийят(Форижийят - бепарволик, беҳабарлик.) кул деганда?!

Бу воқеадан хулоса шуки, агар кишига чексиз башоратлар берилган бўлса-да, банда ўшанча хавф ва кўркув ичида туриб, кўп ёлвориб тавба-тазарру килиши лозим. Кишининг исми ҳам, зоти ҳам банда бўлса, кандай бепарво юриши мумкин?!

Хадиси шарифларда Аллох таоло борасида яхши гумонда бўлишга, хусусан, кексайган чоғда Аллохтаолонинг раҳматидан кўпроқ умид килишга буюрилганмиз.

Масъудхон Исмоиловнинг

"Саботул ожизин шархи" китобидан